



Standard kvaliteta licenciranja klubova 2012

Ciljevi NS/FS BiH u licenciranju klubova

Zahtjev br.2

Ciljevi sistema licenciranja klubova

Opšti ciljevi sistema licenciranja klubova Nogometnog/Fudbalskog saveza Bosne i Hercegovine su:

- *Dalja promocija i kontinuirano unaprijeđenje standarda svih aspekata nogometa/fudbala u Bosni i Hercegovini, uz davanje prioriteta treniranju i brizi za mlade igrače u svim klubovima;*
- *Stvaranje ambijenta sa akcentom na osiguranje uslova, kako bi klubovi imali adekvatan nivo uprave i organizacije;*
- *Prilagođavanje sportske infrastrukture sa preduslovima kojim bi se igračima, gledaocima i predstavnicima medija obezbijedili dobri, kvalitetno opremljeni i bezbjedni objekti;*
- *Zaštita integriteta uz nesmetano odvijanje takmičenja UEFA-e i NS/FS BiH;*
- *Omogućavanje razvoja "BENCHMARKINGA" (analize podataka) za sve klubove u oblasti finansijskih, pravnih, sportskih, infrastrukturnih i administrativnih kriterija za osoblje i administraciju;*
- *Unaprijeđenje ekonomske i finansijske sposobnosti klubova sa težištem na povećanje njihove transparentnosti i kredibiliteta;*
- *Posvećivanje zaštiti povjerilaca, uz osiguranje uslova da klubovi na vrijeme izmiruju svoje obaveze prema igračima, društvenim/poreskim vlastima, kao i prema drugim klubovima;*
- *Stimulisanje klubova da posluju na osnovu vlastitog prihoda;*
- *Stimulisanje odgovornog trošenja za dugoročnu dobrobit za nogomet/fudbal;*
- *Stvaranje kontinuiteta na sposobnosti i održivosti klupskog nogometa/fudbala.*

Posebni ciljevi su:

- *Profesionalnim rukovođenjem, upravljanjem i provođenjem sistema licenciranja klubova od strane NS/FS BiH ostvaruju se traženi standardi provođenja transparentnog sistema procjene ispunjenosti kriterija od strane klubova koji su aplikanati za licencu;*
- *Učestvovanjem u postupku licenciranja aplikanti za licencu (klubovi), angažmanom u ispunjenju kriterija, poboljšavanju navika da u ovakvom transparentnom sistemu svoje poslovanje obavljaju na profesionaln način. Od velike je važnosti dalje poticati klubove, odnosno njihove uprave, kako bi u klubovima shvatili koje sve prednosti ostvaruju unaprijeđenjem svog rada i funkcionisanja;*
- *Kvalitetan i kontinuiran rad sa mladim igračima;*
- *Stalna briga i rad na edukaciji i obrazovanju mladih igrača;*

- *Stručno usavršavanje trenerskog, medicinskog i drugog stručnog osoblja sa ciljem poboljšanja kvaliteta rada;*
- *Poznavanje i razumijevanje Pravila nogometne/fudbalske igre;*
- *Praksa rasne i nacionalne jednakosti;*
- *Poboljšanje stadionske infrastrukture (stadioni, objekti za treniranje i ostali prateći sadržaji);*
- *Poboljšanje kvaliteta nivoa rada i edukacije stručnog osoblja i administracije u klubovima;*
- *Ostvarivanje kvalitetne pravne osnove za funkcionisanje klubova;*
- *Poboljšanje transparentnosti finansijskog poslovanja klubova, ekonomske sposobnost, ali i odgovornosti svih zainteresovanih u administraciji ;*

Nogometni/Fudbalski savez Bosne i Hercegovine je odlučan u nastojanjima da svojim aktivnim djelovanjem postigne postavljene ciljeve sistema licenciranja klubova. To se prije svega ogleda u nastojanju postizanja bolje efektivnosti rada u klubovima, pravovremeno i odgovorno djelovanje u svim segmentima organizacije, kako bi im se pružale pravovremene i relevantne informacije sa potpunom podrškom, kao i da im sam sistem licenciranja bude jedno od najbitnijih sredstava za poboljšanje njihovog statusa, uspješnosti i ugleda u sportskom i poslovnom svijetu.

Sarajevo, 31.08.2016. godine

PREDSJEDNIK

Elvedin Begić

